

B. ROBERTUS DE ARBRISSELLO

ORDINIS FONTIS EBRALDI FUNDATOR.

VITA DUPLEX

(*Acta sanctorum Bolland.*, Februarii tom. III, pag. 593)

COMMENTARIUS PRÆVIUS.

¶ 1. *Ordinis Fontis Ebraldi a B. Roberto instituti primarium monasterium, nomen, sanctitas.*

1. Fons Ebraldi nobile est seminarum in Gallia monasterium, unde originem ac nomen traxit celeberrimus ordo, quem in monachos monachasve distinctum, sed diversa incolentes cœnobia, abbatissa Fontis Ebraldi, tanquam generalis antistita, moderatur. Varie ascriptoribus nomen expressum : usitatus *Fons Ebraldi*, sive *Euraldi*, Gallice *Font Evrauld*, appellatur. Alii *Fontem Everardi* vocant, Willimus Neubrigensis lib. I, c. 15, *Ebraudi*, Joannes rex Anglie in diplomate, quod datum die 30 Augusti, anno i regni ipsius, qui erat Chr. 1199, in Monastico Anglicano pag. 193 exstat, nunc *Fontem Ebraldi*, nunc *Ebrardi* nuncupat : Rogerius Hovedenus parte posteriori Annal. ad. ann. 1177, *Frunt Eversit* : Joan. Bromton abbas Jornalensi in Chron. ad eundem annum *Ebrardi* et *Embraldi* : alii aliter.

2. Factum autem monasterio nomen a fonte loci, in quo situm. De eo ista Baron. to. XII, Annal. ad ann. 1117 ex vulgari fama : « Ferunt, inquit, Ebraldum quondam juvenem, genere uobilem, sed moribus corruptis, magna sicariorum manu stipatum, a Ijacentes vias regias latrociniis olim infestasse, silvasque tunc temporis frequentes insedisse, quarum hodieque reliquiae manent non parvæ. Posthaec theologum quemdam Parisiensem eximiæ doctrinæ virum, divinique verbi concionatorem insignem, Robertum de Abruscellis nomine, eo adventasse, sanctisque exhortationibus suis non modo juvenem illum, ut mores vitamque mutaret, impulisse ; sed multos præterea omnium generum homines ad despiciendam sæculi vanitatem, austeriorisque vitæ leges subeundas permovisse : ad quorum habitationem distincta iisdem in septis monasteria condidit, sua seorsim viris, virginibus, ægrotis, et mulieribus reliquis ædificando ; universæ porro congregationi abbatisam præposuisse, » etc. Ista Baron., quæ totidem verbis, eo tamén minime citato, descriptis Mi-

A ræus l. II, Origin. monasticar., c. 10. Eademque multo prolixius narrat in commentario de Trecensium sanctitate ad an. 1106, n. 8 et sqq. Guerrosius, et *verum historiam* esse affirmat. Cui vero ea probari queat, contrarium attestante Baldrico Dolensi episcopo, antea abbate Burguliensis cœnobii, leuis pauculis a Fonte Ebraldi distantis, et quidem B. Roberti æquali ? Nam is n. 16 ita scribit : « Locus erat incultus et squalidus, spinetis obsitus et vepribus, ab antiquo Fons Eraldi nuncupatus, ab hominum cohabitatione sequestratus : a Condatensi autem cella quasi duobus distabat milliariis, diœcesi adjacens Pictavensi. » Si cum eo venit B. Robertus, jam ab antiquo is locus Fons Eraldi dicebatur, non igitur ab Eraldo, quem adhuc juvenem illic ipse B converterit, nomen duxit.

C 3. Nolim tamen inficiari fuisse illic fortassis olim densis in silvis prædonum latibula. Nam vulgo id accolarum sermonibus celebratur, S. Martinum Turonensem episc. cum ad Condatensem sui episcopatus vicum venisset, quæsisse quis ille esset locus arboribus frequens, quem eminus spectabat : cumque audisset saltum esse rapinis ac latrociniis infamem, respondisse, olim saltum eum sanctis precatiōnibus ac religioso cultu Numinis illustratumiri : alique hoc demum septingentis post annis evenisse. Ea tamen ipsa narratio nullo veteri testimonio confirmatur.

4. Jacet vicus Condatensis (jam oppidum, quod Galli *Candes* vocant) in extremis finibus diœcesis Turonensis ad Vigennam amnem, qui haud inde procul Ligeri miscetur. Duobus inde milliaribus, ut Baldric scribit, sive modica Gallica lenca (tribus a Salmuro oppido ad Ligerim sito, distat Fons Ebraldi. Franciscus Ranchinus Andium provincie primarias abbatias esse scribit Burgulum et *Fonsem* Ebraldi. At cum de Pictionibus agit, *Fontem Ebraldi* ait ad Turonum Andiumque confinia, sed in Pictavensi esse diœcesi. Gervasius monachus Doroherensis in Chro. ad an. 1177, *Fontem Ebraldi de*

Andegavia vocat. Et Joan. Bromton ad eundem annum, « Rex, inquit, in Andegaviam ad Fontem Ebrardi pro uno conventu, sanctorum monialium misit. At postea ad ann. 1189. « Processit, inquit, Richardus comes Pictaviensis, cum corpore patris sui Henrici II regis Angliæ, usque ad Fontem Embraldi in Northmannia. » An in Northmannia illud coenobium locavit, quod Northmannia primaria erat earum ditionum quas in Gallia Angliæ reges possidebant, an memoizæ lapsu, supervacaneum est querere. Miræus scribit loco antea cit. « In Fonte Ebraldi, intra unius velut oppidi ambitum esse quatuor monasteria, tria monialium, quæ sunt circiter ducentæ, et unum monachorum, qui sunt circiter quadriginta et suum habent priorem. » Ac paulo infraeius : « Altare majus coenobii monachorum Fontis Ebraldi situm est in confinio diœcesis Pictaviensis, Turonensis et Andegavensis. » Et hæc aliaque : « A R. P. Gulielmo Richerio abbe S. Vincentii Cenomanensis, Fontis Ebraldi olim visitatore, anno 1017 sese accepisse » testatur.

5. Hoc religiosissimi ord. caput, hæc abbatissæ, quæ toti illi præest, sedes. Voluit enim fundator (quod loco antea cit. annotat Baron. et infra clarius patescit) ut abbatissa « in omnes t.um viros tum feminas jus summum obtineret, statuens ut viri, S. Joan. evangelistæ exemplo, virginibus seu mulieribus parerent; et hæc vicissim, beatæ Virg. exemplum sequentes, religiosos tanquam filios amplecterentur. Statuta denique et constitutiones pro utrisque separatim præscripsit. » Ac paulo post, ait ordinem inulantorum pontificum authenticis bullis approbatum, qui eum docent « ab illis verbis Christi, *Ecce filius tuus, Ecce mater tua*, institutionis suæ originem rationemque petiisse. » Edita sunt nuper varia diplomata summor. pontif. qui vel fundatoris sanctitatem laudarunt, vel congreg. ab eo institutam apostolicæ auctoritatis privilegio munierunt. Ita Paschalis II, diplomate dato vii, Kal. Maii, indict. xiii, anno Chr. 1106, itemque alio dato Nonis Apr. lis, an. Chr. 1113 : « Dilectis in Christo sororibus sanctimonialibus in monasterio Fontis Ebraldi omnipotenti Deo servientibus » inscripto, quo se fatetur « de ipsarum religiosis studiis ardenteribus provocari, » etc.

6. Calistus II Turonibus apud Majus-Monasterium dato diplomate, xvii Kal. Oct., indict. xiii, an. 1119, ita loquitur : « Dilectæ filiæ Petronillæ abbatissæ monasterii S. Mariæ de Fonte Ebraudi, et iis quæ post eam regulariter in eodem regimine successerint in perpetuum. Cum per Pictaviensem parochiam pro Ecclesiæ servitio transitum haberemus, venerab. f. atris nostri Guillelmi Pictaviensis episc. suggestione, ad B. Mariæ de Fonte Ebraudi monasterium dæclinavimus : ubi monast. ci ord. disciplinam vigere per omnipotentis Dei misericordiam cognoscentes, locum ipsum cum omnibus ad eum pertinentibus B. Petri decrevimus patrocinio confovere. Unde etiam nostris tanquam B. Petri manibus in honore

A beatissimæ et glorioissimæ Dei Genitricis semperque Virg. Mariæ oratorium dedicavimus » Idemque in alia bulla : « Apud B. Mariæ de Fonte Ebraudi monasterium, monasticæ relig. disciplina, sicut ipsi præsentes perspeximus, per omnipotentis Dei gratiam perseverat : unde viri religiosi et Dominum timentes, qui circa ipsum sunt, locum ipsum diligunt. » Callisti quoque successor Gelasius II : « Ubi, inquit, per omnipotentis Dei gratiam ex longo jam tempore maxima religionis observantia custodita est. » Postea quoque Innocentius II : « Quam spectata et famosa sit religio monasterii Fontis Ebraldi, quantumque ex ea bonum, ipsius gratia cooperante, proveniat, » etc. Lucius quoque II qui anno 1144, sedebat, « Sane, ait Petronillam abbatissam alloquens, pro ampliori religionis prærogativa, quæ de loco vestro per Dei gratiam longius divulgatur, » etc. Ipsas etiam idem pontifex sanctimoniales compellans, « Quoniam de vobis, inquit, valde confidimus, charitatem vestram per omnipotentem Dominum deprecamur, ut ipse speciales pro me ad Dominum orationes facias, et per omnes congregat. vestri ordin. fieri studeatis. »

C 7. Sugerius abbas S. Dionysii in epist. ad Eugenium III papam, quain ex mss. edidit Jacob. Simon. noster in notis ad Goffredi Vindonensis epist. inter cætera in commendationem sanctimonialium Fontis Ebraldi ista scribit : « Placeat igitur excellente vestre ab his molestis (quas nimur illis facesset) episc. Pictaviensis, Gilbertus Porretanus, ut reor) eas eripere, et ut in pace Deo deserviant, eis in multitudine misericordiae vestre providere, sub protectione Dei celi, et vestra apostolica auctoritate confovere et protegere : utpote tantum tantæ religionis locum, quem, cum in partibus illis in scholis essemus, noviter inceptum esse vidimus, et per Dei voluntatem fere ad quatuor aut quinque milia sanctimonialium jam excrevisse audivimus, et gaudemus. » Obiit Sugerius ineunte anno Christi 1152, ætatis suæ 79, ut tradit Claudio Robertus.

D 8. Biennio fere ante Sugerium jam memoratum S. Dionysii apud Parisios abbatem, anno nimirum 1150, « viii Kalend. Maii, ut dicitur in Necrologio Fontis Ebaldi, migravit a seculo pia memorie domina Petronilla, venerabilis monacha, incomparabilis et irrecuperabilis mater nostra, a domino nostro magistro Roberto prima constituta abbatissa. » Idem autem B. Robertus, ut scribit loco cit. Baronius, et ex eo Miræus. « statuerat, ut cum abbatissa, quem crearat, diem suum clauderet, ea illi succederet quam religiosæ ipse suis suffragiis elegisset. Quod ab illis semper observatum est, quandiu electionum usus in monasteriis permanxit. Cæterum et quando stetit eligendi potestas, et postquam auctoritate pontificis constitui abbatissæ cœperunt, optimas semper easque memorables abbatissas sortire solent, vite integritate ac sanctitatem quam genere illustrios : tametsi plerisque regum et principum, aut no-

biliissimorum certe equum filiae fuerint. » Miro R unde haec accepit Baronius, quem ita gravem auctorem cur non auderet Miraeus sequi? Nobis quo ntriusque opinionem vel firmaremus vel refelleremus. argumentum nullum suppotebat. Didici deinde postquam haec mandata pio fuere, adhuc penes religiosas Majoris Monasterii (quod solum abbatis habet, reliqua monasteria priorissas) at non penes religiosos jus esse eligendi abbatissam.

9. Ex eo tempore celebrata late sanctimonia hujuscongregationis est, atque in Hispaniam quoque et Angliam hinc accersitæ sanctimoniales, quæ solutam in nonnullis veteribus aliorum ordinum monasteriis disciplinam restituerent, aut nova conderent. In Angliam certe an. 1177 evocatas, datumque iis Ambresburiense in Wiltonensi agro cœnobium, quod olim S. Eduardi regis ac martyris novera et interfex Alfritha fundarat, traditur in Monastico Anglicano, pag. 191, ex Rogerio Hovedeno. Hujus ista sunt verba ad eum annum in parte posteriori Annalium: « Eadem an. idem rex Henricus II, expulsis sanctimonialibus de abbatia de Ambresbire propter incontinentiam suam, et per alias domus religiosas in arctiori custodia distributis, ipsam abbatiæ Ambresbire dedit abbatissæ et domui de Frunt Everoit (lege Fonte Ebraldi) in perpetuum possidentiam: et missa a Frunt Everoit uno conventu sanctimonialium, Richardus Cantuariensis archiepiscopus introduxit eas in abbatiam de Ambresbire, ii Kal. Junii, die Dominicæ, » etc. Idem in Chronico Joannis Bromtoni narratur, diciturque abbatissa illa « per mandatum Alexandri III papæ deposita, ac sanctimoniales omnes ibidem, quæ errorem et vite suæ turpitudinem relinquere, et ordinem Fontis Ebrardi tenere nolebant, a domo illa dispersæ. Quibus sic dispersis, rex in Andegaviam ad Fontem Ebrardi pro uno conventu sanctarum monialium misit, » etc. Ubi vides sanctas moniales appellari monachas Fentis Ebraldi. De eadem hac Ambresburiensi colonia agit Gervasius Dorobernensis in Chronico.

10. Idem Bromton « famosum et nobile monasterium Fontis Ebrardi » appellat: Guillelmus Neubrigensis l. 1, c. 15, « famosissimum illud monasterium seminarum de Fonte Ebraudi » vocat. Et. iii, cap. 25, « famosum et nobile monasterium, » ac deinde, « monasterium celeberrimæ religionis titulo inclytum. » Willemus Tyrius l. xiv, c. 4, de Mathilde (ipso Mahalem) vocat, secunda Fontis Ebraudi post Petronillam abbatissa loquens, ita scribit: « Anglorum regis Henrici (primi ejus nominis) filio despontata fuerat: sed antequam convenirent, sponsus in Angliam navigans, naufragium passus, pelago submersus est: ejus vero sponsa perpetuum vovens cœlibatum, in claustro puellarum religioso admodum apud Fontem Ebraudi sanctimonialem perpetuo vitam duxit. » Willemi Tyrii suffraganeus fuit, ac dein S. R. E. cardinalis, Jacobus de Vitriaco. Is Historia Occidental. c. 20, de monachis nigris scribens, ita

A inter alia loquitur: « Hæc autem prædicta diximus, salva pace et reverentia quorumdam hujus ordinis sanctorum et venerabilium conventuum, qui adhuc in honestatis et laudabilis conversationis proposito et religionis distinctione perseverant. Ejusmodi sunt Cluniacenses in capite, et in quibusdam eorum membris, a capite non discrepantibus; sicut apud S. Martinum de Campis in Parisiensi civitate et præterea monachi religiosi Cantuariensis in Anglia, et illi qui sunt de Afflengien in Brabantia, Sanctimoniales nigræ de Fontevraud, cum quibusdam aliis Deo devotis monachorum nigrorum conventibus: quorum charitatem et humilitatem, labores assiduos et onera pene importabilia novit ille qui eis patientiam et perseverantiam subministrat; ut aliis in via deficien- E tibus ipsis ad destinatum sibi bravum festinantes, finem consequantur optatum. »

11. Wilhelmus quoque Malmesburiensis, utroque paulo senior lib. v De regibus Anglorum ita et originem Fontis Ebraldi describit, et prædicat sanctitatem: « Hujus Petri (Pictaviensis episcopi) fuerunt contemporanei et in religione socii Robertus de Arbeisel et Bernardus abbas Turinensis, quorum primus omnium hujus temporis sermocinatorum famosissimus et profusissimus, tantum, non spumea, sed mellea viguit eloquentia, ut hominibus certatim opes congerentibus, illud egregium sanctimonialium monasterium apud Fontem Ebraldi construeret, in quo, tota sæculi voluptate castrata, seminariarum Deo devotarum, quanta nusquam, multitudo in Dei servet obsequio. Nam præter ceterarum illecebrarum abdicationem, quantulum illud est, quod in nullo loco loquuntur, nisi in capitulo, proposita a magistro perennis taciturnitatis regula; quia semel laxato silentio seminæ pronæ sunt ad mussitandum frivola? »

12. Monet tamen Joannes Picardus Bellovacus ad S. Victorem Parisiis canonicus regularis in notis ad c. 15, l. i Historia Neubrigensis, « has regulares disciplinas, alioquin paulo severiores suisse mitigationes auctoritate summi pontificis sub annum 1450... Maria enim Britanna, virgo tum piissima, simul et nobilissima, Fontebraldensis Antistita, curarat, ope consilioque virorum prudentium, seligi ex regula D S. Benedicti, Robertique institutoris sanctionibus capita, et diligentius servari in universis suaæ familiæ parthenonibus; quæque videbantur subobscuriora, planius describi. Eorum vero quæ duriora censebantur, nempe silentium, ubique locorum, nisi in capitulo, interdicens collocutionem, temperatum ut liceat loqui post preces, ut vocant, primas: dein post signum ad laborem factum. »

§ II. B. Roberti patria, ritæ historia, anniversaria memoria beati ac sancti prærogativa nomenclatio.

13. Hujus igitur celeberrimi monasterii et ord. fundator fuit B. Robertus. Variant auctores in cognomine, ut observant Andreas Chesnaeus in epist 17, l. ii Petri Venerabilis, Honoratus Nicquetus no-

ster l. II Hist. Fontis Ebraldi, c. 3; Joannes Baptista Souchetus in notis ad c. 11 Vitæ B. Bernardi de Tironio. Appellatur ergo a Gaufrido in dicta Vita B. Bernardi, *de Arbrissello, Arbrissellensis*, et c. 23, si mendum abest, *Orbresensis*: *de Abrezello* in quadam inscriptione citata a Soucheto, et in ms. Rotensi apud eundem *de Abrincello*: a Petro Pictaviensi episcopo in charta data an. 1106, *de Herbressello*: a Neubrigensi *de Arbusculo*; de Arbrussello in ms. codice Cenomanensi opusculorum Goffridi Vindocinensis: *de Brussello* a Petro Venerabili: a Joan. Boucheto, *de Bruxelles*: *de Bruxello* a Joanne Hirceo citato apud Souchetum: *de Arborecillo* in quibusdam actis publicis apud Gulielmum Catellum: *de Arbricellis* in Chronicō S. Albini Andegav. *de Arbricel et Arbrisel* in chartis Rotensibus: *de Arbeisel* a Malmesburiensi: a Niqueto *d'Abruissel*, Souchetus rectius censem *de Abrissello*; nos *de Arbrissello* retinemus, quod vulgatissimum apud scriptores.

14. Ductum id a loco natali, exili vico septem leucis distante ab urbe Redonum in Britannia Armorica, qui tunc *Arbrissellum* vocabatur, teste Baldrico, Dolensi in eadem Britannia episcopo: nunc vulgo *Arbesec* dicitur. At Guerrosius in Commentariis de Tricassium sanctitate ad an. 1106, n. 7, natum in Tricassisbus affirmit, altero ab Augusta Trecarum lapide, vico cui *l'Aubrussel* nomen: nec auctorem citat ullum qui eam illi patriam tribuat, nec argumentum promit quod id firmet, præter unicam illam vocem. Baldricus, qui et Robertum novit, et propinquam Fonti Ebraldi Burguliense cœnobium rexit, et deinde Doli in Britannia antistes fuit, illum ait c. 1 Vitæ, n. 7, « Britanniæ minoris alumnus fuisse, ex pago Rhedouensi oriundum, villæ, quæ vulgo Arbrissellum nuncupatur, indigenam et colonum. » Ac n. 8 Silvester Redonensis episcopus ita eundem Robertum ad se Lutetia accersitum alloquitur: « Vides, frater charissime, quomodo sancta Redonensis Ecclesia, mater tua, sine regimine vacillat. » Qua enim ratione Redonensis Ecclesia mater ejus dici potuit, si erat in diœcesi Trecensi natus, solumque in patria antehac et Lutetiae versatus?

15. Non viderat Guerrosius, quam hic damus B. Roberti geminam Vitam, unam, ut diximus, a Baldrico scriptam, alteram ab religioso Fontis Ebraldi, ejusdem sancti viri discipulo, quem vulgo Andrean fuisse existimant, de quo in ipsa eadem Vita c. 6, n. 36, mentio est. Atque ejus videtur in veteri quodam Necrologio ita mentio fieri: « III Id. Augusti obiit Andreas sacerdos capellanus magistri Roberti. » Utraque ea vita e mss. Fontebaldensibus edita primum ab Michaeli Cosniero oppidi ejusdem parochio: qui dein alia perscrutatus archimonasterii monumenta, haud pauca nobis submisit sibi in priori editione desirata. Vita ultraque postea Cosniero mortuo nitidius edita Flexiæ an. 1647, addita ex opposito luculenta paraphrasi Gallica, a P. Joanne Baptista Chevalier societatis nostrae presbytero concinnata. Omnia vero accuratissime historiam Fontis

A Ebraldi Gallice scripsit Honoratus Nicquetus auctor libris quatuor: quorum primo res a B. Roberto gestas, secundo ejus sanctitatem, tertio ordinis explicita instituta: quarto omnium abbatissarum acta succincte enarravit. Idem scriptor tomum akerum prelo paratum habet, in quo de omniis omnibus prioratibus ordinis agit, sive quæ in Hispania, et quidem opulentia, sive quæ in majori Britannia, sive quæ in Gallia extitere olim, aut etiamnum existant, florentque religiosa disciplina, et quidem magno numero. Atque in hoc tomo, tribus libris distincto, vitam describit tum virginum, doctrina, natalibus, virtute illustriorum. Fortassis et tertium adjungit tomum, si septuagenaria majorem, et alia habentem præ manibus, jam affecta, vita ac vires non constituant.

16. Quæ nunc ordinem illum sanctissimum pietatis et prudentiae laude administrat, tricesima prima a Petronilla B. Roberti discipula, est Joana Baptista de Borbonio, Henrici IV Galliarum Magni regis filia. Ea cum summo studio ad conservandum, qui adhuc in ordine viguit, spiritum religiosaque exercitationis dignitatem, incumbit; tum præserua sanctissimi fundatoris Roberti honorem nuntiat, quibus potest modis, amplificare. Eaque causa genitus, quas dixi, Vitas, anno 1641 et 1647. Flexiæ editæ, ad nos mitti curavit, cum aliis libellis, opera præpue nostri Honorati Nicqueti compositis: quorum unus *Summorum pontificum*; S. R. E. cardinalium, antistitutum, principum, clarorumque scriptorum de B. Roberti Arbressellensis sanctitate testimonia, complectitur; alter inscribitur, *Gloria B. Roberti de Arbrissello, ordinis Fontis Ebraldi fundatori, in vita epitome, virtutes, elogio*. Tandem, pro summa qua minimam societatem nostram prosequitur, benevolentia, dignata est nobis per litteras commendare, ut in vasto nostro de SS. Actis opere locum quoque Vitæ B. Roberti daremus. Id vero jam acta ultro constitueramus, ut ex iis quæ 7 Jan. de B. Vitale Saviniacensi dicta sunt, perspicere licet, quamvis nullam tunc adhuc Vitam B. Roberti nasci erimus. sed quædam solum illius e variis scriptoribus elogia. Non pauca ex duabus hisce libellis, historique Nicqueti, ad illustrandam sancti viri memoriam decerpsumus.

17. Non est adhuc quidem Robertus in codicibus tabulas ita pontificis maximi sententia ascriptas, ut de eo ecclesiasticum officium recitari missaque offerri sacrificium possit; verum id impetrare eadem Joanna Baptista antistita omnibus nervis contendit. Ursit quoque jam a pluribus annis, ut hic publicus in Ecclesia cultus B. Roberto haberetur, serenissima Magnæ Britanniae regina, quæ saepius super baculum ad pontificem scripsit, et per oratorem suum an. 1645 supplicem libellum obtulit, e quo ista referuntur in citata *Gloria B. Roberti*, unde intelligere quique possit, quæ tandem ratione mota, certilibus debitum honorem Roberto procurare aggressa sit: « In tanto, inquit, Majoris Britanniae tumultu, quo per-

Jam totum regnum suū deque vertitur..... remedium et præsentissimum malorum levamen futurum mihi erit, si insignis alicui jus servi Dei gratiam favoremque mihi conciliem, honorem ipsi in terris procurando, quo ipse in cœlis pro felici Anglicanarum rerum successu apud Deum advocatus existat. Quare cum omni humilitate supplex peto, ut per sanctitatem vestram liceat in ordine Fontis Ebraldi officium dicere et celebrare missam de V. P. Roberto ejusdem ordinis fundatore qui fuit olim acceptissimus atque adeo consiliarius Fulconis Junioris comitis Andegavie, Turonie et Cenomanie, postea regis Hierosolymitani, unius ex progenitoribus serenissimi regis Majoris Britannie sponsi mei : cuius etiam antecessores alii Henricus II. Richardus I, Anglie reges ; ac nonnullæ reginæ Anglicanæ, Eleonora, Elisabetha, multæque principissæ, in eodem templo, in quo venerabilis servi Dei reliquiæ jacent, sepeliri summa pietate exoptarunt, ordinemque ab eo fundatum per varias Anglicani regni provincias propagarunt. »

18. Hactenus ex serenissimæ reginæ supplice libello. Rex quoque Christianissimus, ut accepimus, de eadem causa ad Innocentium X pontif. max. scripsit, negotiumque urgeri ab oratore suo manda-uit. « Urget etiam (ut jam indicavimus, et iisdem, quæ his damus, verbis in citata *Gloria* refertur) excellentiss. et reverendissima domina Joanna Baptista a Borbonio, abbatissa Majoris Monasterii, et caput totius Ordinis Fontis Ebraldi. Urget ordo universus, cum Condatensi B. Martini, aliisque adjacentibus canonicorum capitulis, ut eudem Robertum Sancti nomine constanter hactenus insignitum, ut-pote vitæ sanctitate et magnis in sanctani Ecclesiam meritis celeberrimum, apostolica eloquentia et constantia præfulgentem, sanctæ Romanæ sedi addic-tissimum, et apostolicæ auctoritatis retinentissimum, perpetuum hereticorum malleum, martyrii avidissimum, et pietatis causa ab impiis quamplurima perpessum, summorum pontificum, antistitum, clarorumque scriptorum commendatione nobillem, justitiae omnis et sanctitatis propugnatorem invictissimum, tot sanctorum parentem, tot hominum utriusque sexus millia Deo lucratum, omnium cuiusque generis miserorum asyrum certissimum, cuius sanctitatem cœlum crebris miraculis loquitur, terra quotidianiis precibus, votis ac donariis testatur, » Apostolicæ sedis nutu atque auctoritate ecclere ut sanctum liceat.

19. Quæ hic conglobatim celebrantur præconia, ea partim ante probata, partim suis locis in Vita, atque ex eodem de ejus Gloria libello hic probabun-tur. Beatum certe jam ab annis circiter 557 prædi-cavit Baldricus episcopus, insigni sapientia prædi-tus scriptor. Ita c. 1, n. 7, « Fuit igitur beatus (de quo loqui disponimus) Robertus, Christianæ profes-sionis cohæres et filius. » Et n. 24 : Pater illa quæ fecit B. Robertus miracula. Ac demum n. 25 : « Annis revolutis et annis, quibusdam indicis sen-

A sit beatus Robertus finem suum appropinquare. » 20. Citata sèpius *Gloria* pag. 33, ostendit non beati solum, sed sancti titulum Roberto ab omni retro memoria solere tribui : « Habet, inquit, et in priscis litaniarum supplica: iofibus ecclesiasticus ordinis ritus hanc B. P. Roberti, post S. Benedicti, invocationem : S. Roberte, magister bone, ora pro nobis. Et vero haec tenus fons ille, qui antiquitus Fons Ebraldi vocabatur, in honorem B. Roberti qui ex co-fonte bibit, et in valle, in qua scaturit, monasterium ord. caput instituit, non aliter quam Fons S. Roberti appellatur. Adeo hæc sancti appellatio servo Dei adhæsit, ut communis populum ore celebretur. »

B 21. Antea vero pag. 13 ista erant relata : « Corpus in Fontis Ebraldi monasterium magno cum apparatu portatum prosecutus est Leodegarius archiepiscopus Bituricensis. Obviam sacræ reliquiis ierunt Fulco comes Andegavorum, Radulphus Turopensis archiepiscopus, Raginaldus episcopus Andegavensis, abbates multi, innumeri sacerdotes, cum infinita populi multitudine. Cor Ursani retentum, ubi honorifica inclusum est pyramide. Ara quæ proxima est, Ara sancti cordis appellatur. » Et pag. 29 dicitur Leodegarius archiepiscopus Bituricensis sepeliri voluisse « Ursani, ubi sanctum cor B. P. Roberti magna populorum veneratione colitur. » Non veremur ergo ne quis nos sugillet, quod tam libere eum Beati titulo ornemus, qui jam a 500 annis, et quod ex-currit, a gravissimo antistite ei tributus sit, quicquid sanctus ab immemorabili tempore, unanimi popu-lorum pietate, etiam in sacris litiis, sit appellatus.

C 22. Anniversariam B. Roberti memoriam annotat Saussajus in Corollario ad Martyrologium Gallianum, pag. 1216, et Jacobus Rinaldus noster in Liliis Gallie sanctæ, ad 30 Augusti consignari debere atque insigni eum ambo elogio celebrant. Jacobus Sirmondus noster in notis ad Goffridi abbatis Vindocinensis epistolas, pag. 84, verum Roberti na-talem aperit ex Chronico S. Albini, ubi ista habentur : « Anno 1116, obiit Robertus de Arbrissellis v. Kaleu. Martii. Iste fuit fundator monasterii Fontis Ebraldi. » Idem asserit Carolus Saussayus l. ix Histor. Aurelian., n. 12. Idem quoque per litteras nos edocuit Nicquetus noster : nam quod antea existi-marit eum vi Kalendas Martii obiisse, id in Historia l. 1, c. 55, ut corrigatur curaturum. Satis quidem constare, ex consensu totius ordinis, anno cum decessisse 1117 Christi, qui secundum Francorum il-lius ævi calculum, 1116 dicebatur, cum anni auspi-cium a solemnitate Paschalis duceretur, quod de-mum sub Carolo IX rege emendatum ; ceterum festo S. Matthei ista in diem sequentem in Martyrologio ord. Fontis Ebraldi prælegi : « Eodem die in Bitu-rica patria, apud Ursanum, præclara dormitio re-verendi domini Roberti de Arbrissel, doctoris theo-ologi, venerabilis presbyteri, charissimi Patris nostri : qui vir fuit Christianissimus, sanctæ Ecclesie luci-fer splendidus, et in sancta prædicatione alter quo-

dannmodo Paulus. Redonensis diaecesis, provinciae Britannicæ fuit oriundus, fonteque celestis doctrinae funditus repletus, et in religione probabilitate fundatus, a primo lapide auctor Fontis Ebraldi, basilicam ejusdemque basilicæ quamplures cellas fundavit, ædificavit, multiplicavitque, et in eisdem locis, Deo inspirante, viros ac mulieres ad servendum Deo omnipotenti fideliter coadunavit : quos etiam, dum adhuc viveret, et sanctorum Patrum exemplis et regulis, omnique sana doctrina, verbo et exemplo ad plenum informavit. Hic fortis athleta verbi Domini fidelissimus dispensator, dum ex more suo ad exterias nationes prædicationis sanctæ gratia procederet; apud prædictum locum, quem ipse Deo favente ædificaverat, qui Ursanus dicitur, et a Biturica civitate duodeviginti milliaribus, hoc est, duodecim leucis, disjungitur, vocante Deo, senex et plenus dierum, viam universæ carnis ingressus est, cœlo gaudente, terra plorante, gloriose sine quiete, corpus terræ spiritumque polo reddidit, anno ab Incarnatione Domini millesimo centesimo decimo septimo. »

§ III. B. Roberti sanctitas illustrium virorum testimoniorum celebrata : ejus sepulcrum.

23. Operæ pretium fore existimo, si hic ex utroque jam citato opusculo strictum encomia colligam, quibus Roberti virtutes ac sanctimoniam eximiis scriptores aliquique viri illustres, ac præsertim pontifices decoravere. Urbanus II pont. max. prædicatorem apostolicum instituit : « Intellexit etenim, » ut in Vita refert Baldricus, « quod Spiritus sanctus os ejus aperuerit. » Paschalius II « magnæ religionis virum, virum venerabilem, » dum adhuc viveret, appellavit. Callistus II mortuum, « bonæ memoriae, venerabilis memoriae ; » Honorius II « felicis recordationis. » Lucius II « bonæ memoriae, spectatæ religionis presbyterum ; » Delegati a Sixto IV « Patrem memoria dignum. »

24. Baldricus episcopus, qui, ut superiore § diximus, absolute B. Robertum aliquoties vocavit, alibi « virum sanctum et justum » nominat. Alibi ita scribit : « Sanctus igitur Spiritus obediitioni meæ admiculetur, et domini Roberti mihi sanctitudo suffragetur. » Deinde : « Hunc profecto dixerim, habitaculum Jesu Christi et organum Spiritus sancti, responsalem et vicarium Altissimi, ipsius delibutum sermonibus. » Ac postea : « Dominus Robertus, fons prædicationis, fons religionis, singularis semi-niverbiis, doctor illustris et eximus, verbis et operibus admirandus, vir extollendus et imitandus. » Sed hæc aliaque infra in ipso Baldrico licebit legere. Petrus II episcopus Pictaviensis in instrumento quadam scripto Pictavis anno 1106 : « Quidam vir apostolicus, inquit, nomine Robertus de Herbressello, verbo divinæ prædicationis sagaciter invigilans, et tonitruo sanctæ exhortationis plures tam viros quam mulieres a sæculari luxu revocans, in nostra diaecesi ecclesiam quamdam in honore S. Mariæ Virginis fundavit, in loco qui Fons Ebraudi vocatur, quem

A locum Areemburgis uxoris Widonis, filii Osmundi, et Rivarria filia ejus, ad ædificanda prædictam ecclesiam sibi dederunt. » Idem Petrus in alio scripto eum vocat « virum religiosum, verbo sancte prædicationis deditum ; » idemque alibi, « virum magne religionis et bonæ opinionis. » Girardus Engolismensis episcopus vir maximus, nisi eximia virtutum ornamenta postea fôvendo Anacleti schismate decorasset, « bonæ memorie ac magnæ sanctitatis virum. »

25. Petrus Abelardus abbas, « egregium prænomen Christi. » Tabulæ abbatis S. Mariæ de Rota « virum magnæ auctoritatis et infinitæ religionis. » Fulco comes Andegavensis, « magnæ religionis et honestatis virum clarissimum. » Fulco Junior idem B Andegavorum comes ; « hominem religiosissimum, cuius admirabilis doctrina verbo sancte prædicationis et tonitruo sanctæ exhortationis per totam Ecclesiam sua fulget eloquentia. » Areemburgis comitissa, Fulconis uxor, « magnæ religionis virum, verbo evangelicæ prædicationis sagaciter dispensatore. » Alii denique, « hominem sanctissimum. » Andreas autem Vitam, quam infra dabimus, ita exorditur : « Ipsius, de quo locuturus sum, intercedentibus meritis, Spiritus sancti adsit mihi gratia. » Postea eum vocat « lucernam eremitarum, virum omni ore laudabilem. » Abbates, quos B. Robertus consuluit, cum de primæ abbatissæ electione ageretur. Tuum, inquit, charissime Pater, super hac potius tenuendum est consilium, præsertim cum pro certo scimus, inter ceteros nostræ ætatis mortales tuum rigere consilium : te enim donavit Deus mundo consiliatorem animarum. »

26. Si quis recentiorum scriptorum de eodem sancto viro testimonia requirat, habet superius § 1. num. 2, magni cardinalis Cæsaris Baronii, in cuius Annalium epitome ad annum 1117 Henricus Spordanus, Apamiensis in Gallia episcopus, B. Robertum vocat « eximiæ virum doctrinæ et probitatis. » Antonius Yipes tom. VII Historiæ Benedictinæ, « hominem pium et sanctum. » Claudius Robertus in Gallia Christiana agens de abbatia S. Mariæ de Rota, « virum magnæ auctoritatis et infinite religionis. » Egregium quoque illius encomium cō D texuere Andreas Saussaius et Jacobus Ricardus antea citati, qui absolute « B. Robertum » appellant.

27. Pleraque aliorum laudationes collegit aut se peravit Leodegarius archiepiscopus Bituricensis, qui (ut in *Gloria B. Roberti* dicitur) « venerabilis servi Dei reliquias in sua diaecesi, in qua obierat, retinere cum non posset integras, ne tanto thesoro Bituricensis diaecesis penitus orbaretur, saltem tandem obtinuit a Petronilla prima abbatissa, que præsens aderat, spæque defuncti corpus prosecutus usque ad majus monasterium Fontis Ebraldi ; ubi eum oratione funebri honestavit, quam Gallice edidit F. Ivo Magistri. Ex ea ista sunt Latine expressæ : « Custodit Dominus corpora sanctorum suorum : id

quod sacræ eorum testantur reliquia. Testatur et A corpus Patris vestri, quod licet nullis aromatibus conditum, nihil tetri odoris ad hanc usque diem exhalavit, etiamsi jam a multis diebus exanime remanserit. Quod certissimum est insignis ejus sanctimoniae argumentum, quam non nisi abstinentia voluptatum sæculi, fervore spiritus, et austero vivendi genere tutatus est, » etc.

28. « Providerat Deus huic sæculo piissimum Patrem magistrum Robertum: ut quandiu in vivis ageret, lucerna esset non abscondita sub modio, quæ peccatorum mentes, pulsis improhibitatis tenebris, Solis justitiae radiis illustraret. Quis enim vestrum nescit eximium illum cremi cultorem, alii quidem suisse odorem vite in vitam, aliis vero sagittam potentis acutam? Ausim dicere, reverendo huic Patri non defuisse Josephi patientiam, constantiam Jeremiæ, zelum Phineæ, et Tobie charitatem. Davidem retulit, cum pertransiret in deserto, et per mille vite pericula tenderet ad regnum. Particeps fuit consilii et solertiae Danielis, et Samuelis obtinuit sequitatem. Præcursorem Domini imitatus, anachoreticam vitam duxit; herbis famem, sitim frigida duntaxat levavit, cilicioque corpus texit. Paulinæ eloquentiae participem suisse aio, » etc. « Pes fuit claudorum, cæcorum oculus, solarium afflictorum, orphanorum pater, sponsus sanctorum viduarum, virginum custos et paronymphus, refugium miserorum, vitiorum omnium depulsor, auctor virtutum, concordia dissidentium, » etc. Atque hoc postremum mirabile suisse notatur, in B. Roberto, ut quisque proprium donum habet a Deo, qui dividit singulis prout vult.

29. Hæc aliaque ab archiepiscopo illo dicta in exsequiis B. Roberti, cuius mausoleum, ut vocat Baldricus, ante aram majorem, quatuor columnis innixum erat: superiori saxo insculpta ejus effigies: habitus ei sacerdotalis, pedum pastorale, manus chirothecis tecta, insertus digito annulus. Tanta porro illud mausoleum in veneratione fuit, ut olim coram eo vota religiosa nuncuparent sanctimoniales. Anno 1623 novum multoque magnificientius erectum est altare, 8 Octobris, consecratum a Philippo Cospeano Nannetensi tunc episcopo, qui ei reliquias inclusit deiparæ Virginis, sanctique Joannis evangelistæ (quorum præcipue honori dicatum), alias etiam S. Joannis Baptiste, ac S. Ludovici regis. Ob hujus areæ fabricam debuit B. Roberti paulo longius tumba submoveri, sub novo itidem posita, per quam affabre elaborato, mausoleo: cuius ad angulos variæ sacra Scriptura sententiae, nigro in marmore litteris aureis exaratae: effigies ejus albo e marmore, cultu sacerdotali, in tumba itidem marmorea recubans. Priore aperto tumulo ossa complura integra reperta sunt: quæ in arcuam plumbeam, cum non exigua copia pulveris, in quem cætera erant membra resoluta, itemque pulveribus in sepulcro Petri Pictaviensis episcopi repertis, condita sunt.

50. Addita hæc novæ illi tombæ inscriptio: « Venerabilis quondam Robertus de Arbrissello, vir admodum pius, et zelo animarum exæstuans, divina, qua plurimum poterat, eloquentia, ad Dei obsequium, ad sæculi contemptum, multos utriusque sexus mortales, qui eum ad deserta loca sequebantur, induxit, eaque occasione ordinem Fontis Ebraldi primus instituit: variaque domicilia, devoto præsertim femineo sexui, exstruenda curavit. Quorum omnium caput esse voluit hocce monasterium: in quo abbatissam, non solum virginibus ac mulieribus Deo dicatis, sed etiam religiosis viris, præposuit, qui hoc vitæ sequuntur institutum, a sancta sede apostolica, jam a sui exordio ad hæc usque tempora, approbatum, variisque privilegiis regiisque munib[us] auctum. Obiit anno 1117. Ejus ossibus ac sacris tegendis cineribus Ludovica de Borbonio, hujus cœnobii, atque adeo totius ordinis antistita, hoc mausoleum novo peggiate exornatum, totius ordinis nomine, tanquam parenti optimo, perficiendum curavit, an. 1623. »

§ IV. B. Roberti in eremita et apostolica vita primi socii.

31. Ex iis Roberti encomiis, quæ § 2, n. 18, com gesta sunt, unum restat, ut ostendamus sanctitatem ejus miraculis esse cœl. tus confirmatam. Sed prius mantissa quædam attexenda est rerum ab eo gestarum, quæ ab utroque Vitæ scriptore prætermissee, sunt tamen ab antiquis auctoribus traditæ. De primis B. Roberti in apostolicorum laborum susceptione sociis atque adjutoribus, Guilielmus Neubrigensis, qui se anno 1135 natum testatur, l. 1 De rebus Anglicis, c. 15, jam antea citato, ita scribit: « In transmarinis partibus, sicut a majoribus accepi, tres memorabiles viri uno tempore fuere, scilicet Robertus, cognominatus de Arhusculo, Bernardus et Vitalis. Hi non ignobiliter eruditi et spiritu ferventes, circuibant per castella et vicos, seminantesque secundum Isaiam super omnes aquas, de conversione multorum fructus uberes colligebant: pio inter se placito constituto, quod Robertus quidem feminarum communi labore ad meliora conversarum sollitudinem gereret, Bernardus vero et Vitalis maribus propensius providerent. Robertus itaque famosissimum illud monasterium seminarum de Fonte Ebraudi construxit, et regularibus disciplinis informavit: Bernardus vero apud Tyrocinum, et Vitalis apud Saviniacum monachis regulariter institutis, suos quiske ab aliis per quasdam præceptorum proprietates distinxit. Cumque ex his tribus radicibus servorum atque ancillarum Dei per diversas provincias religiosa germina pullarent, quidam Saviniacenses monachi Bellelandam nostram condiderunt. Quæ quidem ita accipienda sunt, quod cum Bernardus ac Vitalis virorum congregacione instituerint, Robertus etiam seminas aggregari, ac præcipuo quidem studio, ut quarum spirituali ministerio viros, seque adeo ipsum subjecerit: quare ad hunc præcipue seminæ, etiam

fortassis quæ a duobus illis erant conversæ, accur-
reabant.

32. Qua vero ratione inter sanctos illos viros ami-
citas coaluerit, ita in B. Bernardi Pontivensis, primi
abbatis Tironensis, Vita, tradit Gaufridus Grossus
auctor coetaneus c. 11. Nam Bernardus cum coenobi-
um S. Savini prioris titulo administraret, Gerva-
sio abbate peregre profecto, jamque mortuo; et co-
gnita (ut ille scriptor ait) monachorum voluntate,
qui eum sibi abbatem facere disponebant, clam dis-
cessit ab eis, rem sibi a multis annis desideratam
querere intendens, scilicet anachoreticæ vitæ stu-
dium, et ut sibi victimum acquireret labore manuum.
Manebat autem non multum longe a monasterio S.
Savini vir quidam venerabilis et religiosus eremita,
Petrus nomine de Stellis, qui illius postea monaste-
rii fundator exstitit, quod Fons Gombaudi dicitur.
Ad quem Bernardus divertens, eo quod sibi jam ante-
notus ac familiaris esset, causam, qua venisset,
aperuit. Quem Petrus magna cum animi alacritate
suscepit: sed quia in vicinia monachorum erat, qui
cum invitum abbatem sibi facere satagebant, illum
diu secum, licet nimis exoptaret, tenere non po-
tuit. Bernardus vero exæstuans cum desiderio jam
optatae paupertatis ac solitudinis, tum vehementer
reformidans, quod, nisi citius recederet, abbas, im-
plicandus scilicet in solidibus curse pastoralis, impel-
lente abbate suo vel episcopo, coactus fieret; Petrum
obnoxius rogabat, ut se inde citius latenterque sub-
duceret, atque ad ignotas remotissimæ regionis so-
litudines perduccret. Petrus itaque precibus rogan-
tis acquiescens, factus ductor itineris, quod postula-
ta et complevit. Erant autem in confinio Cenomani-
cae Britannicæque regionis vastæ solitudines, quæ
tunc temporis, quasi altera Ægyptus, florebant multi-
tudine eremitarum per diversas cellulas habitantium,
virorum sanctorum ac propter excellentiam
religionis famosorum. Inter quos erant principes et
magistri Robertus de Abresello, atque Vitalis de
Mauritonio, Rodolphus quoque de Fustejia, qui po-
stea fundatores exstiterunt multarum atque magna-
rum congregationum: quibus divina dispositio per
Petrum, qui eos antea noverat, hunc quartum ad-
jungere curavit, ut illis tribus quarto adjuncto fir-
ma fieret quadratura, quæ postea magna et lata
sedifia erat portatura.

33. Pergit deinde c. 12: « Petrus vero de Stellis,
multorum dierum itinere confecto, pervenit ad dom-
num Vitalem, unum ex supradictis, quos principes
et magistros eremitarum fuisse jam diximus. » Ita
ille. « Fuit autem Radulphus (qui hic cum tribus
illis sanctis eremitis jungitur) magister quoque san-
ctimonialium, itidem ut B. Robertus. De eo Joannes
Baptista Souchetus Carnotensis canonicus in Ob-
servationibus ad c. 11 Vitæ B. Bernardi, pag. 478,
ista scribit: « Fuit Radulphus primum Hendlonis
asceterii, quod nunc S. Jovinus de Marnis in Picto-
nibus dicitur, monachus; deinde eremi cultor; ad
extremum director et procurator (quo nomine etiam

A Robertus Arbressellensis in elenco codicis Ceno-
manici apud Sirmundum in observationibus ad
epist. 47, lib. iv. Goffridi Windocensis appellatur,
pro fundatore) S. Sulpitii monialium: apud quas
hominem exuit xvii Kalend. Septembr. 1129, et in
ipsarum ecclesia, magna sanctitatis opinione, situs
est. »

34. Illa porro sanctorum virorum: in soliditudine
commemoratio contigit post concilium Claromontanum,
quod an. 1095 habitum est: ante tamen Pictaviense,
quod 1100. De hoc Ivo Carnotensis epist. 211, ad
Radulphum Remorum archiepiscopum: « Computa-
verunt eamdem consanguinitatem alio tempore in
prædicta curia (scilicet domini papæ, ut ante dixit)
legati Fulconis Andegavensis comitis et probaverunt,
B cum accusaretur rex Francorum Philippus, quod
eidem comiti consanguineo suo uxorem suam sub-
traxerat, quam etiam illicite retinebat. Propter quam
accusationem, et patrati sceleris comprobationem
excommunicatus est rex a domino papa Urbano in
Claromontensi concilio. Et cum post factum di-
votum prædictus rex esset reversus ad prædictæ ma-
lieris consortium, excommunicatus est in Pictaviensi
concilio a cardinalibus Joanne et Benedicto. » Me-
minit et alibi Ivo illius concilii; cuius canones ad
eum annum recitat Baronius in Annalibus. Adfuer-
unt eidem concilio B. Robertus de Arbrissello et B.
Bernardus de Tironio, ut in hujus Vita c. 23 narrat
Gauffridus: « Per idem tempus, inquit, duo cardin-
iales Joannes atque Benedictus, apostolicae sedis le-
gatione fungentes, ad urbem Pictavium concilium
convocarunt, in quo cxl Patres adfuerunt: qui et
Philippum regem Francorum, propter Fulconis
consulit Andegavensis uxorem, quam in ad-
iutorio tenebat, anathematis vindicta percusserunt.

35. « Qua excommunicatione comperta, Guille-
musp dux Aquitanorum, qui aderat, totius pudicitia
ac sanctitatis inimicus, timens ne similem vindictam
pro consimilibus culpis pateretur, nimio furore suc-
census, jussit illos omnes deprædarí, flagellari, oc-
cidi. Quod ministris suis sacre incipientibus, politi-
cios et abbates huc illucque diffugiant, et ut tem-
poralem vitam retinerent, tutu latibula querere co-
tendunt. At vero Bernardus atque Robertus Orbe-
seensis, qui concilio iusterant, fortissimi justi-
propugnatores, ac totius iniquitatis et injustitiae ex-
pugnatores, aliis turpiter diffugientibus, ita immobiles
constantesque perstiterunt, ut nec ab incepto ex-
communicationis desisterent: sed pro Christo mor-
tem vel contumeliam pati glorioissimum ducerent:
et quamvis eis persecutores mortem non intulerint,
isti, quantum in ipsis est, martyrium pertulerunt. »

36. Souchetus ex Chronico Maleacensi apud Be-
slyum citato, ista notat: « xiii Kal. Nov. fuit con-
cilium, quod tenuerunt duo cardinales Joannes et Be-
nedictus,.. uni eorum, Joanni nomine, apparuit S.
Hilarius, et dixit ei confirmatio: Joannes, noli li-
mire, viriliter age; eras ero tecum; et excommuni-
cavit regem Philippum. » Joannes Bouchetus in Ar-

malibus Aquitanæ parte iii, c. 2, tradit, cum rex cogendum Pictavis concilium didicisset, a Guilielmo duce Aquitanæ et comite Pictavensi agnato suo petuisse, ne in urbe sua talem sibi injuriam inferri pateretur: mandasse illico Guilielmum, ut urbe legati cæterique antistites illico excederent: unum e legatis spatum liberandi postulasse, eique nocte inse- quente S. Hilarium apparuisse, et ne minis ducis terretur monuisse, ei enim se adsuturum: ducem, cum ei legatus postridie hoc retulisset, permisso ut pro arbitrio cuncta persiceret. Idem apud Baronium ex Boucheto narratur, et in notis ad concilium Pictavense t. XXVI Conciliorum, ut edita Parisiis sunt ex Regio typographio. De eodem concilio agitur in fragmento Hist. Francorum tom. IV Chesnæi, sed nulla ibi mentio apparitionis S. Hilarii. Dux ille Guiliel- mus, cuius hic mentio est, pater fuit Guilielmi, quem S. Bernardus Clarævallensis a schismate ad deferendam legitimo pontifici obedientiam revocavit. De patre egimus 10 Febr. ad S. Guilielmi Eremitæ Vitam, § tertio, ac postea de filio.

37. Erat illius concilii Pictavensis tempore B. Bernardus abbas monasterii S. Cypriani juxta Pictavos: Robertus abbatiam de Rota forsitan dimiserat, aut certe mox dimisit uti et Bernardus suam. De hoc Gaufridus c. 24 Vitæ ejus: « Exæstuans amore paupertatis ac solitudinis, ad secretum eremi, a quo fraudulenta violentia abstractus fuerat, rediit, et mentem suam, quæ ibi remanserat, invenit. Qui domino Roberto de Arbressello atque Vitali de Mauritonio, quorum jam superius mentionem fecimus, conjunctus, Gallicanas regiones nudis pedibus peragabant: in villis, castellis atque urbibus verbum Dei prædicabant, homines ab erroribus vitæ suæ eruentes, quasi validi ac robustissimi arietes divinæ potentiae viribus adjuti, muros infidelitatis atque vi- torum impellentes confringebant, corda hominum ab errore caducarum rerum evellebant, mala eorum colloquia bonos mores corruptientia destruebant, malorum operum nequitias disperdebant, totius ini- quitatis coadulantem congeriem dissipabant, virtutes, Deo auctore, cordibus eorum inserentes plantabant, et plantatas exemplo corroborantes ædificabant: et quamvis mortuorum cadaverum resuscitatores non essent, quod majus est faciebant, id est animas in peccatis mortuas vivificabant, et vivif- tas Deo veræ vitæ conjugebant. Talia igitur si- gna facientes, quandoque simul, aliquando vero singulatim diversas provincias circuibant: qui- bus, machinante diabolo, tribulationes non de- erant. »

38. Idem scriptor c. 42: « Dum igitur Bernardus monasterium suum ædificaret in Francia, Robertus Arbressellensis suum construxerat in Aquitania, Radulphus Fusteiensis in Britannia, Vitalis vero de Mauritonio suum fabricabat in Normannia, quorum supernus arbiter, longe a se positos, et in diversis regionibus separatos manere voluit, quia tot et tanta

PATROL. CLXII.

A unusquisque illorum monasteria construxit, ut una eos regio minime caperet, una provincia congregatiōibus ab illis adunatis, minime sufficeret. » Ita ille. Conditum a B. Bernardo monasterium SS. Tri- nitatis de Tironio in Carnotensi est diœcesi Fontis Ebraldi, ut antea dictum, ultra Ligerim, qui limes Arctous est Aquitanæ. Saviniacum in Abrincensi diœcesi, extrema Normannia ora, Cisterciensibus deinde institutis addictum a venerabili Serlone, cum aliis xxvii, idque an. 1153, Eugenii III pontificis max. auctoritate. Radulphus S. Sulpitii cœnobium sanctimonialium apud Redonas construxit. Enumerat singillatim Souchetus, in observationibus ad dictum 42 caput Gaufridi, monasteria omnia quæ a Saviniaco, quæque a Tironio, et Fonte Ebraldi de- pendent.

§ V. B. Roberti miracula.

39. Veniemus nunc ad miracula. Recte auctor *Glorie B. Roberti*, in ipso principio opusculi: « Com- mendarunt ejus sanctitudinem summi pontifices, ar- chiepiscopi, episcopi, abbates, historici varique scriptores; qua sit in existimatione sanctitatis, te- statur qui sacris reliquiis habetur honor, et vene- ratio: testantur etiam miracula. »

C 40. Baldricus episcopus sola ea videtur vel per- specta habuisse vel publicare voluisse, quæ in ani- marum curationibus facta ab eo erant miracula. « Exprimat quis, inquit in Vita, quid senserit: ego audacter dico, Robertum in miraculis copiosum, super dæmones imperiosum, super terrenos prin- cipes glriosum. Quis enim nostri temporis tot lan- guidos curavit, tot leprosos mundavit, tot mortuos suscitavit? Qui de terra est, terrena loquitur, et mi- racula in corporibus admiratur: qui autem spiri- tualis est, languidos et leprosos, mortaos quoque convaluisse testatur, quando quilibet animabus lan- guidis et leproris suscitandis consulit et medetur. Denique (ut omnium pace dixerim) per quem pas- torum tot locutus est, tot operatus est Dominus? » His consonant quæ § superiore, n. 37, de B. Ro- berto beatoque Bernardo a Gaufrido scripta retulimus, majus quid eos fecisse, dum « animas in peccatis mortuas vivificabant, et vivificatas Deo veræ vitæ conjugebant; » quam si corporum morbos gravis- simos ac vulnera personasset.

D 41. Quod vero optari miraculum illustrius potest, quam ordo religiosus præclaris ab eo institutis con- formatus, itaque dilatatus, ut eo superstite capitum tria millia censerent, cœnobia triginta et, quod ca- put est, post tot sæcula constanti florens opinione sanctitatis; non sine manifesto fundatoris sui apud Deum patrocinio? Memini ante annos circiter 44, cum apud Matthiam Hovium archiepiscopum Me- chlinensem ac Belgii nostri primatem sermo inci- disset de B. Ignatio Societatis nostræ parente in SS. tabulas referendo, et dixisset nonnemo ut ea res perageretur miracula proferri debere, dixisse sa- pienissimum illum gravissimumque antistitem, non alia se miracula desiderare præter ipsam societatem

ab eo conditam : se ampli archiepiscopatus proventibus, principum Alberti et Isabellae Austriacorum favore, secundis cleri omniumque ordinum studiis subnixum, tot annis in seminario erigendo laborare ; cum ille nullis fortunae praesidiis, nulla principum gratia aut commendatione fretus, exiguo tempore, tantam religiosorum hominum congregacionem instituerit, videritque optimis firmatam legibus, ad ultima terrarum propagatam, uberrimos afferentem fructus. Idem profecto de Fontis Ebraldi ordine dici merito potest ; neque coalescere tantillo tempore potuisse hominis unius industria, sine peculiari auxilio numinis ; neque tandi vigore in eo studium perfectionis, nisi cœlo receptus fundator, illius identidem curam gereret, sancta excitaret cœlesti ope desideria, labores proveheret sanctimonialium juxta ac monachorum.

42. Non defuerunt tamen etiam ea Roberto quæ mortales præcipue suspicere solent, externa miracula. In Gallicani Martyrologii Corollario ita de eo scribit Andreas Saussaius : « In omni sanctitate consummatus, apud Ursanum monasterium feliciter exspiravit, signis postea clarificatus divinis, quibus etiamnum coruscat. » Jacobus Rihaldus in Liliis Galliae sanctæ supra citatis : « Ab Ursonio cœnobio, pugnis et victoriis suis debitas accepturus coronas, in cœlum abscessit, dum hic triumphat in miraculis. » Nec mirum a Baldvico quæ post B. Roberti mortem contigerint, miracula nulla commemorari, cum brevi post ejus decesum temporis lapsu spatio Vitam ejus nimis quam succincte collegerit. Andreas vero illa sere solum prosecutus est, quæ extremo tempore Robertus gessit. Speciem non vanam habere miraculi visum Leodegario archiepiscopo, ut ipse supra § 3, n. 27 testatur, quod « corpus ejus, licet nullis aromatibus conditum, nihil tetri odoris exhalarit, etiamsi multis diebus exanime remanserit. Quod certissimum est, inquit, insignis ejus sanctimoniae argumentum. »

43. Recentiora quædam narrat Nicquetus in Hist. Fontebraldensi : atque hoc quidem ex l. 1, c. 30, primum fuit, ut diximus, cor B. Roberti in templo cœnobii Ursani pyramidem marmoræ impositum, tres altæ pedes, quæ etiamnum ibi visitur altari primario ad cornu Evangelii, ut vocant, satis propinquæ, ad templi parietem. Non tamen integra nunc est : an. enim 1570, cum dux Bipontinus cum Germanicis copiis ad hæreticorum auxilia venisset in Galliam, quidam ejus miles eam confringere cupiens, ictibus aliquot contudit. Neque defuit cœlestis vindicta : cœxitate percutitur sacrilegus, et, ut quidam tradiderunt, brachii alterius rigore. Sed max velut translato in animum lumine, cur ea sibi inflicta sit poena agnoscit, flagitium detestatur, et, unde id ortum erat, hæresim : vovet novendiales illuc peragendas in precibus excubias, atque his finitis illi restituitur videndi facultas. Ita memorant etiamnum Ursani incolæ, qui a parentibus suis, testibus oculatis, acceperunt.

A 44. In eadem Ursanensi æde an. 1634, ubi B. Roberti cor asservatur (quod populus *cor sanctum appellat, et magna frequentat et veneratur pietate*), cœpere missæ de sanctissima Trinitate celebrari, quibus gratiæ agerentur Deo pro eximiis donis sancto illi viro divinitus collatis. Tum vero suavissime odore ultro eadem completa est ædes, cœlesti quædam et invisibili suslita. Palam id testata ejus cœnobii sanctimoniales, quarum apud Nicquetum l. 1, c. 15, expressa nomina, ac Hugaultius medicus atque alii, quibus intra septa monasterii ad infirmorum curationem ingredi fas est. Eundem nidorem perceperisse se Ludovicus Perrierus ordinis ejusdem sacerdos, tum Ursani coram sancto illo corde, tum in Fontebraldi cum intra cellam suam alias B. Roberti reliquias haberet, testatus est.

45. In eodem Ursanensi monasterio sorori Gabriele d'Assy brachium utrumque paralysi dissecatum fuit a Decembri anni 1633 ad menses omnino quinque. Plurima admota medicamenta, irrito labore. Tandem feria secunda Paschæ, die 17 Aprilis, placuit horis XL assiduas fieri preces, quibus divina bonitas ad succurrendum infirmæ, eoque modo manifestandam sancti fundatori gloriam flecteretur : sumptaque ab omnibus eum in finem *sacra eucharistia*, Gabriæ restituta divinitus sanitas est : idque omnium eârum, medicique suprascripti testimonio confirmatur.

46. Joannæ Moussiaz Ursanensi religiosæ sinistram manum tetrum carcinoma, nucis magnitudine, mensibus aliquot excrucierat. Implorata ideo C B. Roberti ope, nulla præterea adhibita medicina, festo Omnitum Sanctorum, anni 1634 resedit malum, omniumque evanuit. Testata id ipsa, ac medicus.

47. Anno 1635, Caudenaci in Borbonio, Henricum Assium acuta febris pene ad extrema deduxerat : frustra erat ars omnis medicorum : matris Margaritæ Lassaignæ animum subit recordatio miraculorum quæ fieri B. Roberti meritis dicerentur : votum ei nuncupat : momento remittit febris, reditque puer salus.

D 48. Concludam hoc caput verbis hisce, quæ in Gloria B. Roberti, pag. 49, leguntur : « Quam multi vero variis morbis liberati, servi Dei invocatione, aut aliquo ad ejus sepulcrum exhibito cultu, vel hausta fontis aqua, cui nomen a S. Roberto, videre est in informatione facta anno 1644, mense Junio, monasterio Fontis Ebraldi, auctoritate illustriss. et reverendiss. domini episcopi Pictavensis. Et quoniam jam apud sanctam sedem apostolicam urgetur ejus canonizatio, pergit Deus mirabilibus signis servi sui prodere sanctitatem. »

§ VI. Refutatur epistola sub nomine Goffridi Vindicensis abbatis contra B. Robertum confusa.

49. Priusquam B. Roberti Vitam, a duobus coœvis scriptoribus editam, proferamus, maculam unam, quæ posset universa, et quæ jam memorata sunt a nobis, et quæ in Vita memorabuntur, illius

decora offuscare, sēntio hic obiter detergi oportere. Ea aspersa est ex probroso epistola, quæ in libro iv Epistolarum Goffridi Vindocinensis abbatis numero quadragesima septima exstat, hoc titulo : « Goffridus Vindocinensis monasterii humilis servus, suo in Christo multum dilecto fratri, servare modum discretionis, et terminis, quos patres posuerunt, esse contentum. » In ipso deinde contextu epistolæ : « In nullo agere, præter id quod est agendum, est angelica perfectio; quam habere minime potest, quandiu hic sumus, nostra conditio. Dum igitur non habemus perfectionem angeli, nullatenus habeamus præsumptionem diaboli. Hæc idecirco, venerabilis frater, proposuimus, quia te talia egisse, et adhuc agere, fama discurrente sinistra audivimus, quæ si vera sunt, ut nulla excusatione illa defendas, sed cum omni festinatione corrigas, tuam simplicitatem germanæ charitatis visceribus commonemus. Auditivimus enim, quoniam circa sexum feminine, quem regendum cepisti, duobus modis, altero alteri prorsus contrario, te ita sollicitum reddis, quod modo in utroque modum discretionis penitus excedis. Feminarum quasdam (ut dicitur) nimis familiariter tecum habitare permittis : quibus privata verba sæpius loqueris, et cum ipsis etiam, et inter ipsas noctu frequenter cubare non erubescis. Hinc tibi videris, ut asseris, Domini Salvatoris digne bajulare crucem, cum extinguere conaris male accensum carnis ardorem. Hoc si modo agis, vel aliquando egisti, novum et inauditum, sed infructuosum genus martyrii invenisti. »

50. Ac quibusdam in eamdem sententiam interjectis, hæc adduntur : « Tu quidem in mundo quasi montem excelsum ascendisti : ac per hoc in te linguis et oculos hominum convertisti. Ergo stans in monte vide ne corruas ; nec per martyrium martyribus sanctis penitus ignotum, religiose vitæ principio notam infamiae derelinquas. Nulla etiam tua actione mundo, qui pene totus te sequitur, suscites scandalum. Nam fieret tibi damnatio g. avior, ruina plurimorum. Mulierum quibusdam, sicut fama sparrit, et nos ante diximus, sæpe privatim loqueris, et earum accubitu novo quodam martyrii genere cruciaris. Illis siquidem te semper sermone jucundum ostendis, et alacrem actione, omnèque genus humanitatis exhibes, nulla servata parcitate. Aliis vero, si quando cum ipsis loqueris, semper locutione nimis durus appares, nimis districtus correctione : illas etiam fame et siti ac nuditate crucias, omni relicta pietate, » etc. Ac tandem epistolam ita scriptor concludit : « Vale, et nos tuarum sanctarum precum, suppliciter precamur, participes effice. »

1. Ea omni tempore dæmonis vafrties fuit, ut quos videret viros præstantes virtute ac scientia, ad aliorum simul procurandam salutem incumbere ; neque ullis ipsis circumvenire fraudibus, revocari que a proposito colendæ et aliis inculcandæ pietatis posse, iis infamiam aliquam inurere conaretur, do-

Actrina corum aut moribus in suspicionem adductis : ita futurum ratus, ut si quæ erroris aut etiam ignorantiae opinio, si quæ cupiditatis, si quæ libidinis, aut certe levitatis, excitata foret, continuo spernerentur, vitarentur, et quæ antea seminarant salutaria consilia abjicerentur. Nihil opus est id exemplis confirmare, quando Christum ipsum, sapientiam æternam, omnis sanctimoniz auctorem, nefarii homines vinolentum esse ac blasphemum, et dæmonum opera ad facienda miracula uti jactarentur

52. Præcipue tamen si quis feminis ad sanctiorem vitam informandis operam navare cœperit, infamia eum turpitudinis alicujus notare satagunt dæmonis hoc in negotio administri. Nam cum sint feminæ natura B magis verecundæ ac timide, illico, si quid tale audierint, verebuntur ne subdolis sermonibus vel pudori suo sensim labes inferatur, vel honestati certe nominis probrum consciscatur. S. Hieronymus summus ille et castissimus doctor, quod quibusdam matronis ac virginibus Romanis, quarum erat eximia in studio pietatis sedulitas, sacras Scripturas exponeret, traductus est a multis ut homo parum pudicus, præcipue cum eæ luxui pompisque sæculi nuntium remisissent. Testatur ipse et refellit invidorum hoc in genere calumnias epist. 99, ad Assellam, ubi hæc inter alia scribit : « Pene certe triennium cum eis vixi. Multa me virginum crebro turba circumdedit. Divinos libros, ut potui, sæpe multis disserui : lectio assiduitatem, assiduitas familiaritatem, familiaritas fiduciam fecerat. Dicant quid unquam in me aliter senserint, quam Christianum decebat. Pecuniam cuiusquam accepi ? munera vel parva vel magna non sprevi ? in manu mea æs alicujus insonuit ? obliquus sermo, oculus petulans fuit ? Nihil mihi aliud objicitur, nisi sexus meus : et hoc nunquam objicitur, nisi cum Hierosolymam Paula et Melania proficiguntur. » Ac paulo post : « Antequam domum S. Paulæ nossem, totius in me Urbis studia consonabant : omnium pene judicio dignus summo sacerdotio decernebar. Beatæ memorie Damasus meus sermo erat ; dicebar sanctus, dicebar humili et disertus. Nunquid domum alicujus lascivioris ingressus sum ? Nunquid me vestes sericeæ, ni tentes gemmæ, picta facies, auri rapuit ambitio ? Nulla fuit alia Romæ matronarum, quæ meam possset edomare mentem, nisi lugens atque jejunans, squallens sordibus, fletibus pene cæcata, quam continuis noctibus misericordiam Domini deprecantem sol sæpe deprehendit ? Cujus canticum psalmi, sermo Evangelium, deliciæ continentia, vita jejunium ? Nulla me potuit alia delectare, nisi illa, quam manducantem nunquam vidi ? Sed postquam eam pro merito castitatis venerari, colere, suscipere cœpi, omnes me illico deseruere virtutes ? O invidia prium mordax tui ! o Satanae calliditas semper sancta persecens ! » Plura adjicit in eundem sen-

C C

D D

sum. 53. Si cuius autem ejusmodi mystagogi ita pu-

blice probata est virtus, ut nulla in eum flagitii cadere suspicio possit, aliquid committuntur improbi homines, quo notam illi aliquam saltem temeritatis, nimirumque sui fiduciae, impingant. Notus ille in nostris annalibus religiosissimi ordinis professor, qui cum parum aequo in nostros homines esset animo, nec ferret totius populi sermonibus eorum celebrari integritatem, et circumspectam cum omni ordine et sexu conversandi rationem, sparsit in vulgus, eos peregrinæ cujusdam herbæ præsidio libidinis motum reprimere. Atrocior fuit, quæ in sanctissimum virum Robertum de Arbrissello, conjecta calumnia est, vel dissipatis per ora hominum sinistris rumoribus, vel conficta, sub Goffridi viri gravissimi nomine, quam diximus, epistola. Ait hujus auctor epistolæ, se ea quæ scribit, « fama discurrente sinistra audivisse. » Qui vero potuit ea *discurrente fama*, cum ita arte ab aspectu, etiam religiosorum ejusdem instituti, arceantur sanctimoniales, ut ne quidem abbatissa, decana, priorissa, si morbo correpta confiteri velit, ad lectum accersere sacerdotem possit; sed his verbis in constitutionibus præscriptum sit, apud Nicquetum l. iii, c. 12, ut, quæcumque illa sit, « ad capellam transportata, ibi constitutetur et communicetur, et communicata, egresso sacerdote, ad lectum reportetur. » Qui ergo ad eas sic conclusas accedere Robertus, vel ipsæ ad eum poterant? aut cui credibile sit, qui tanta cura earum consulere voluerit pudoris securitati, ipsum cum iis etiam noctu versatum esse?

54. Si porro ea late fama manarat, ut usque in Carnutes ad Goffridum pertingeret, quomodo non ad Pictavensem episcopum vicinum pervenit, efficitque ne Robertum, ita luculente apud pontificem commendareret, aut etiam in sua diœcesi toleraret? Quomodo non ea dein fama alio quopiam modo aulam pontificis afflavit, ubi raro ignorantur res eæ, quæ de viris ecclesiasticis, præsertim non longe summotis, censura dignæ narrantur? At non illi tanto favore Robertum essent prosecuti, non tam amplis privilegiis ordinem ornassent, si quid simile ipsis vel leviter suboluisset. Non tanto numero huic se ordini addixissent honestissimæ matronæ ac virgines, si quid tale accidisse cuiquam audissent: non ei adhærere tot viri pii voluissent, si se sensissent ejus exemplo in tales conjici illecebras. Quid sancti ejus sodales Bernardus et Vitalis? Ei præcipue feminas erudiendas tradidissent, velut peculiari ad eam rem industria divinitus dotato, si tantæ imprudentiæ, vel impudentiæ potius, obnoxium essent suspiciati? aut non ad illos quoque fama eadem pervenisset, atque e suis eos monasteriis excivisset, ut illi in faciem resisterent? Vere enim reprehensibilis fuisse, si tale quid tentasset. Spiritus pietatis ac timoris Dei qua ratione accendi soverique poterat in mulierum animis, quas plurimas e peccatorum cæno extraxerat, si non quam longissime eas ab omni abstinebat ejusmodi delinimento? Facciant igitur filii Belial, si qui, etiam per jocum, de viro sanctissimo tale quidpiam dixerunt. Nec

A reor quemquam Christianæ disciplinæ adeo rudem, qui ista viro pio ac sapienti venire in animum potuisse existimet.

55. Quid ergo Goffridus, cur tanto pondere verborum amicum reprehendit, si non credit? Cur non potius scripsit, se probrum ejusmodi inaudisse, sed credere non potuisse? Non inficiar, viros quosdam zelo vehementi præditos, etiam aliqui doctos, nonnunquam quæ conficta sunt in pios homines crimina, etiamsi ab uno illa alterove solum audierint, iis fidem tribuere; aut saltem quia metuent ne vera sint, gravius iis auditis commoveri. Possem, nisi reverentia, quam debemus religiosæ antiquitatil, veteret, proferre nonnullos, qui vel unius relatione etiam falsa, vel temere exaggerata, violentum in quosdam stylum contorsere. An hic etiam scriptor humani aliquid passus, et petulantis alicujus hominis dictionem, « famam discurrentem » vocavit. Asperior certe nonnullis visus.

B 56. Dicam plane quod sentio. Non est ea a Goffrido scripta epistola nec tempus facile ostendit quispianum, quo scribi ab eo potuerit, aut a Roberto ansa, ut scriberetur præberi. Tempore Urbani II ita Roberti facundia cum summa pietate conjuncta, secundis hominum sermonibus celebrabatur, ut cum ad se idem pontifex accersierit, concionari coram se Andegavis ad infinitam prope multitudinem hominum jusserit, ac deinde apostolicum prædicatorem constituerit, sive, ut Baldricus ait, « secundum a se Dei seminiverbum. » Non ergo adhuc sinistra illa de Roberto fama Goffridum afflarat: alioquin pro summa sua cum pontifice familiaritate admonuisset, ne tanta auctoritate hominem armaret, cuius in publicum ita periculosa esset conversatio. Et qui poterat, id tunc ad eum, ab eo ad pontificem deferri crimen, cum necdum ullæ feminæ Robertum consecrarentur. ac ne proximis quidem post annis, quando abbatiam instituit et rexit Rotensem canonicorum regularium?

C 57. Habitum tempore Paschalis II an. 1100, ut antea diximus, concilium Pictavense: « Nec multo post (ut ad epist. 32, l. iv ejusdem Goffridi, notat Sirmundus noster ex Chronico Turonensi) abbatia Fontis Ebraldi in Pictavensi diœcesi fabricatur. »

D Eo nimis tempore, dices, id, si non gestum a Roberto, sparsum certe est, et Goffrido relatum; cum necdum sanctimoniales ita essent arte conclusæ. At non erat, quod tunc ad Robertum scriberet Goffridus, qui ipse frequens erat in Fonte Ebraldi, etiam priusquam ita claustro includerentur sanctimoniales, ab aspectibus virorum penitus summotæ. Testatur id ipsemet eodem lib. iv, epist. 32. « Quod vobis, inquit, in Paschate non fui, nostri corporis infirmitas causa exstitit. Gibbus enim mihi crevit in dorso, unde me secari oportuit. Et quamvis inter manus et lacrymosas voces dilectorum Deo sanctimonialium de Fonte Ebraldi, rasorio scribent in nostra carne suas litteras, corpus nostrum in infirmitate pariter et vulnere non mediocriter fatig-

tum teneretur, nec infirmitas, nec se: antis crudelitas, nec statim impositi salis asperitas, ut vos vel ad momentum oblivereret, facere potuit. » Tam familiaris erat in Fonte Ebraldi Goffridus, ut illic resecari sibi gibbum vellet, sub ipsa monasterii, ut reor, exordia, cum ei ministerium impendisse sanctimoniales dicantur, quæ et « Deo dilectas » appellat. Cur non tunc Deo quoque dilectum Robertum monebat, si quid de illo, quale dicitur, inaudierat? Cur necesse erat tam acrem epistolam mittere, atque ut posteritati quoque innotesceret, in adversariis eam asservare? Idem l. 1, epist. 24, venisse se ad Fontem Ebraldi scribit, ut cum episcopo Pictavensi colloqueretur. Epistola deinde 26 ait se « ultra Fontem Ebraldi progredi secure non posse. » Ergo illic frequens ac familiaris erat, non sanctimonialibus magis quam Roberto.

58. Neque videri cuiquam potest, posteaquam ordo jam fundatus, suisque legibus formatus erat, scripta epistola : qui enim cum Roberto et sanctimonialibus idem Goffridus sanctissimam inire tunc societatem voluisse, cum potiustum illum, tum istas, propter tantam temeritatem violatumque si non pudorem, pudoris certe nitorem, aversari debuisse? Habetur autem ea societas in Chartulario Majoris Monasterii Fontis Ebraldi, charta 27, hac formula : « Notum facimus ita futuris sicut præsentibus, quod dominus Goffridus abbas Vindocinensis, ante omnes et supra omnes abbates, hujus locis qui Fons Ebraudi dicitur, familiaritatem habet et beneficium : et cum ipse obierit, per singulos annos ipsi solemniter celebrabimus anniversarium. De fratribus autem Vindocinensis monasterii, de quibus breve habuerimus, tantum faciemus quantum pro nobismetipsis. Ipse vero dominus abbas partem telonei, quam apud S. Florentium habebat de sale, nostro monasterio donavit in perpetuum et habendum concessit. Facta sunt hæc in capitulo Fontis Ebraldi, præsentibus domino Goffrido abbate Vindocinensi et domino Roberto magistro nostro, anno 1114, in dict. vii. »

59. Satisne jam manifestum non potuisse eam vel famam spargi de Roberto, vel. ep. scribi a Goffrido? Ac ne in monasterio quidem Vindocinensi, in codice mss. opusculorum et epistolarum Goffridi, ipsiusmet loci abbatis, ea exstat ep., quod testati sunt ac propria manu subscripterunt, prior ac subprior ejusdem abbatiae, rogante excellentiss. et reverendissima Joanna Baptista de Borbonio, Majoris Monasterii totiusque ordinis Fontebraldensis, ut ante diximus, generali abbatissa; servaturque in archivo ejusdem monasterii. Cum vero hic agatur de insigni calumnia quæ impingitur sanctissimo fundatori, imo et toti ordini, mirati sunt multi P. Jacobum Sirmondum nostrum, cum Goffridi ep. aliaque opuscula edidit, et duobus mss. codicibus uno monasterii Cenomanensis S. Petri de Cultura, altero cœnobii Vindocinensis, non saltem adnotasse, in hoc eam epistolam non haberí: unde minimum suboriri le-

A tori dubium posset, eam vere Goffridi non esse. Fatetur id quidem, se in editione epistolarum Goffridi præcipue secutum esse codicem Cenomanensem, quod in Vindocinensi non omnes extarent. At nos hinc conjicimus, eum qui Cenomanensem codicem primus conscripsit, undique collectas, quæ Goffridi esse viderentur, epistolas etiamque istam, quæ nomen ejus præferret, in unum volumen redegisse. Ipsum quoque Jacobum Sirmondum certo auctore dico (non enim mibi cum viveret, quamvis frequens inter nos et familiare erat commercium litterarum non tamen mihi tunc venit in mentem ut eum de illa Goffridi epistola interrogarem), sed ab alio viro sincero et gravi e nostris accepi, omnino postea indicasse eam epistolam Goffridi germanum fætum non esse, re maturius considerata, per pensaque Petri Abælardi, quam mox citabimus, epistola; ac deliberasse, si Goffridi opuscula denuo prælo mandaret, eam epistolam expungere.

B 60. Quis ergo tandem epistolæ auctor? Suspicari licaret, cum in concilio Pictavensi anno 1100 ita fortiter pro auctoritate sedis apostolicæ stetisset Robertus, aliquem e Philippi regis subditis ideo illi iratum; hoc in eum sub Guilielmi ducis imperio in Aquitania degentem, virulentum scriptum contorsisse: aut e sacro ordine non neminem invidenter cœstro percitum, quod, ut in ipsa epistola dicitur, totus mundus post eum abiret, hunc architectatum esse calumniam. Certe enim etiam in pluribus cœnobiosis, ut loco antea citato queritur Jacobus de Vitiaco, restincta pietas, solutaque disciplina erat: sacerdotes vero in Britannia, ut ex Baldrico colligitur, atque in Northmannia, ut Gaufridus in Vita B. Bernardi scribit (forsan et alibi), status sui dignitatem fœdissimis vitiis inquinabant: id eoque in Bernardi necem conspirarunt Northmanni presbyteri, ac « presbyterorum (nam ita vocat) uxores. » Potuit ergo quispiam ex eo genere hominum hanc in Robertum, nimium moribus suis dissimilem, excitare calumniam

C 61. Sed (quod et Sirmondus sensit) verum ejus auctorem indicare mibi videtur Petrus Abælardus epist. 21, ad G. Parisiensem episcopum, videlicet Rozelinum, sive Roscelinum, qui in concilio Sues-sionensi anno 1140 damnatus, scripta sua coactus est igni tradere. De eo in citata epistola Abælardi inter alia : « Deo gratias refero..... quod numero bonorum hominum jam esse videor, ex ejus infestatione quem solis bonis semper constat esse infestum, cuius tam vita quam disciplina omnibus est mani-festa. Hic contra egregium illum præconem Christi Robertum Arbrostello CONTUMACEM ausus est EPISTOLAM CONFINGERE : et contra illum magnificum Ecclesiæ doctorem Anselmum Cantuariensem episcopum adeo per contumelias exarsit ut ad regis Anglii imperium ab Anglia turpiter impudens ejus contumacia sit ejecta, et vix tum cum vita evaserit. Vult enim infamie suæ habere participem, ut per infa-

miam bonorum suam consuletur infamiam : nec nisi bonum odit, qui bonus esse non sustinet. Hæc Abælardus, aliaque contra scelesti hominis fraudes ac fallacias, illud præcipue expendendum, quod « epistolam confictam » scribat : quia non quoquaque modo ea composita sycophantia est, sed epistola formæ et quia sub alieno nomine merito « conficta » dicitur, non simpliciter scripta : ac fortassis neque Roberto superstite, neque ipso Goffrido, qui

A decessit anno 1129, sed postea, ut utriusque nomina macula inureretur, quæ iu contemptum totius ord. ac publicæ pietatis detrimentum redundaret; nisi flagitosi hominis mature retecta ac suppressa fuisse fallacia : quam Abælardus merito « contumacem epistolam » vocat, quod cum omnium sermonibus ord. innocentia, fundatorisque sanctitas celebratur, obstinatione quadam malitia, utrique impudenter obtrectaret.

VITA B. ROBERTI DE ARBRISSELLO

AUCTORE BALDRICO EPISCOPO DOLENSIS

(Ex veteribus mss. Fontis Ebraldi edita Flexæ an. 1641 et 1647.)

PROLOGUS AUCTORIS.

BALDRICUS, Dei gratia Dolensem sacerdos, licet indignus, ancillæ Christi PETRONILLE (1), venerabili monasterii Fontevraldensis abbatissæ, omnibusque ejusdem cœnobii sanctimonialibus sub ejus regimine, salutem.

1. Nequaquam sine (2) te, imo ad erudiendum te, quæ sponsa Dei es, hujusmodi dictum opinor : Audi, filia, et vide (Ps. xliv, 12), etc. Audisti siquidem, et re vera audisti vocem illius abnuntiantis : *Egredere de terra et de cognatione tua* (Gen. xii, 1). Egressa es de quibuslibet penatibus tuis, lares paternos aufugisti, seductorias carnis illecebras, quæ tibi blandiebantur, abhorruisti, et ad Fontem Euraldi venisti, ubi fontem uberem, fontem prædicationis, fontem religionis invenisti, et hausisti, dominum videlicet Robertum, nostris temporibus singularem seminiverbum (3), doctorem illustrem et eximium, verbis et operibus admirandum, virum extollendum et imitandum. Hic aliquando sorores interdemorata, et in sancta conversatione erudita, populum tuum et domum patris tui oblita prævio Spiritu sancto, domino cooperante Roberto, in abbatissam promota es, quamvis thalamorum inquietudini prius deservisses. Sanctæ siquidem Ecclesie necessitas et utilitas institutiones humanas, nec immerito, frequenter obnubilant. Inaltavit (4) igitur Deus id summum excelsum te, et genti suæ, Paschali papa collaudante (5), præfecit te. Tali nempe (6) gens illa,

gens mendica, gens pupilla, indigebat matre. Tali, inquam, mulieres, accepta pro Deo duxerat pauperitate, sustentandæ erant procuratrice. Tu autem bene feceris, si te totam in earum procurationem extenderis; si te oneri suscepisti, tanquam jumentum immolaveris, si te, velut omnium infirmam autumaveris.

B 2. Prædictus siquidem Robertus viam patrum nostrorum ingressus est, et, ut creditur, exuta mortalitate, immortalitatis stolam a Deo laureatus adeptus est. Quid autem in hujus recordatione potissimum sit flere, an gaudere, difficulter discerni potest, cum flere pro absentia charissimi nostri os cogat humanitas; et quia pro nobis intercessurus ad aulam Dei nostri evolavit Robertus noster, nos gaudere jubeat securitas. Quia vero nondum alterum horum præcipue faciendum novimus, ad utrumque interim nos extendamus, et in utroque ad hoc usque nos exerceamus, donec de lacrymarum convalle detentim eruamur. Despletat igitur et desfluat oculus noster, quoniam bonus facundusque doctor et amicus Dei a nobis recessit. Lætetur cor nostrum, quia Robertus noster ab hujus mundi cœnulento exsile ad incolatum nobis destinatum nos præcessit. Iste in conversationem, quoad in terris vixit, quam longe a communi hominum conversatione remota fuit, Mater charissima, parvitatæ nostræ describendam præcepisti, quatenus litterarum tenori mandaretur, quo utilitati humanae fragilitatis olim quoquo modo consideretur. Vestigia siquidem Patrum si scripta repe-

(1) De hac suæ agit Nicquetus l. iv Historiæ Fontevraldensis, cap. 2, censemque antea nuptiam suisse alicui ex antiqua et illustri familia de Chemiliaco, sive Camilliaco, vulgo de Chomille.

(2) Cosnieri editio, *sine re*.

(3) Ita utraque editio : alias seminiverbum.

(4) Aliud ms., ut nos olim monuit Cosnieri, *extavit*.

(5) Diplomate dato vii Kal. Maii, indict. xiii, anno 1106. Is populi ex creatus 12 Aug. 1099, obiit 21 Jan. 1118.

(6) Cosnieri editio, *maxime*.